



SAMOA

**TULAFONO FAATONUTONU O LE PUEINA
O ATA TIFAGA (KAMUPANI O LE
LANDING LIMITED) 2022**

Faatulagaina o Aiaiga

**VAEGA 1
FAATOMUAGA**

1. Igoa puupuu ma le amataga
2. Faamatalaina o uiga o upu
3. Faaaogāina o Tulafono
Faatonutonu

4. Tinoitupe o Tupe Toe Faafai
5. Tuusaunoaga i luga o oloa
faaulufale mai
6. Aiaiga faasaoina
7. Faalēaogāina o Tulafono
Faatonutonu

**VAEGA 2
FAIGA E FAATOSINA AI**

Faamatalaga

E TUSA AI ma le fuaiupu 4(2) ma le 10 o le Tulafono o le Pueina o Ata Tifaga (Faiga Faatosina Faapisinisi o Lafoga) 2017 (“o le Tulafono”), **O A’U, TUIMALEALIIFANO VA’ALETOA SUALAUVI II**, O Le Ao o le Malo, i le faia i luga o le fautuaga a le Kapeneta, **UA OU FAIA AI** Tulafono Faatonutonu nei:

FAIA i leni aso 16 o Tesema 2022.

sainia: (Tuimalealiifano Vaaletoa Sualauvi II)

O LE AO O LE MALO

**VAEGA 1
FAATOMUAGA**

1. Igoa puupuu ma le amataga - E mafai ona taua nei Tulafono Faatonutonu o Tulafono Faatonutonu o le Pueina o Ata Tifaga (Kamupani o le Landing Limited) 2022, ma e amata faamamaluina i le aso e sainia ai e le O Le Ao o le Malo.

2. Faamatalaina o uiga o upu - I totonu o nei Tulafono Faatonutonu, ae vagana ai ua manaomia e le mataupu se isi uiga e ese ai:

“kamupani i totonu o le atunuu” o lona uiga o le kamupani ua tuufaatasia faaletulafono ua taua o le Kamupani o le Landing Limited i lalo o le Tulafono o Kamupani 2001;

“kamupani mai fafo” o lona uiga o le kamupani ua tuufaatasia faaletulafono i totonu o Ausetalia e taua o le Endemol Shine Australia Pty Limited;

“QSPE” e i ai lona uiga tutusa i totonu o le Tulafono.

3. Faaaogāina o Tulafono Faatonutonu - O nei Tulafono Faatonutonu e faaaogā mo na o le pueina i totonu o Samoa o le Vaega 8 o le Ata Tifaga Faasolo o le Australian Survivor mo Televisi.

**VAEGA 2
FAIGA E FAATOSINA AI**

4. Tinoitupe o Tupe Toe Faafai-(1) E tusa ai ma le fuaiupu 4 o le Tulafono, o le aofaiga faatonuina o tinoitupe o tupe toe faafai a le QSPE mo le kamupani i totonu o le atunuu e 30%

o tupe faaalu uma e fesootai ma le pueina o le ata tifaga e pei ona faatulaga atu i totonu o le Faamatalaga 1.

(2) O tinoitupe o tupe toe faafoi o lo o taua i lalo o le tulafono faatonutonu laitiiti (1) e faalua ona totogi e faapea:

(a) o le 50% muamua e ao ona totogi atu i Tala Samoa i totonu o le 14 aso faigaluega talu ona sainia le lipoti faaii o le vaega muamua o le sueina o tusi, ia lē silia le aso 31 o Oketopa 2022; ma

(b) o le 50% lona lua e ao ona totogi atu i Tala Samoa i totonu o le 14 aso faigaluega talu ona sainia le lipoti faaii o le vaega mulimuli o le sueina o tusi, ia lē silia le aso 28 o Fepuari 2023.

(3) O so o se tupe faaalu mo faamoemoega o tinoitupe o tupe toe faafoi e fuafua i luga o lafoga o oloa ma galuega faatino e faia i luga o aofaiga o tau (VAGST).

(4) O tupe faaalu ua maea ona iloiloaina i totonu o le QSPE o lo o faatulaga atu i totonu o le Faamatalaga 1.

5. Tuusaunoaga i luga o oloa faaulufale mai - O oloa ua tuusaunoa mo le faamoemoe o le fuaiupu 7 o le Tulafono ua faatulaga atu i totonu o le Faamatalaga 2.

6. Aiaiga faasaoina-(1) O tupe faaalu uma ua iloiloaina o tupe faaalu talafeagai mo le pueina o ata tifaga (QSPE) e le kamupani i totonu o le atunuu ma kamupani mai fafo e amata mai i le aso 4 o Me 2022 e fesootai i le pueina o le ata tifaga, e tataua ona aloaia e faapei ai na faia i lalo o nei Tulafono Faatonutonu.

(2) O so o se gaoioiga ua faia po o ni faaiuga ua faia a o lumanai ai le amata faamamaluina o nei Tulafono Faatonutonu, e aloaia pea e faapei ai na faia i lalo o nei Tulafono Faatonutonu.

7. Faalēaogāina o Tulafono Faatonutonu - E mafai e le O Le Ao o le Malo, i le faia i luga o le fautuaga a le Kapeneta, ona filifili se aso e faalēaogāina ai nei Tulafono Faatonutonu i le taimi lava e muta ai lona faamoemoega ma maea usitaia ona aiaiga uma.

FAAMATALAGA 1
(Tulafono Faatonutonu 4)

TUPE FAAALU UA FAATATAUINA O QSPE

- 1. Tupe alu i atinae** - O tupe faaalu i atinae e pei o le fuaina o nofoaga, tusitusiga, tusitusiga o tala ma suesuega o lo o faatino i totonu o Samoa.
- 2. Pule tau fatuga** - O le mauaina o pule tau fatuga po o le laiseneina o pule tau fatuga i galuega o lo o faatino muamua mo le faaaogāina i le tuufaatasiga o le pueina o ata pe afai o le pule tau fatuga o le galuega tuufaatasi o le pueina o ata o lo o umia e se tagata o nofomau i Samoa.
- 3. Inisiua** - Tupe alu i faiga faavae mo inisiua o lo o manaomia mo le faatinoina o le poloketi pe afai o lo o tuuina atu le auaunaga i totonu o Samoa. Mo se faataitaiga, inisiua mo meafaitino faaaogāina i ata, seti, teuga ma lavalava, gataifale, femalagaaiga, feoaiga i luga o vaalele, meafaitino eseese, inisiua e noatia ai tagata lautele.
- 4. Faasalalauina** - O tupe faaalu mo le faasalalauina ma le faalauiloaina pe afai ua faatupulaia e le kamupani mai fafo a o lumanai ai faamaeaina le tuufaatasiga o le pueina o le ata ma pule tau fatuga i meafaitino mo le faasalalauina o lo o umia e se tagata Samoa o nofomau i Samoa, ma e aofia ai ma se kamupani o lo o faagaoioia i totonu o le atunuu.
- 5. Tupe Faaalu i Loia** - E faatulai mai e tusa ai ma auaunaga o faatino e se ofisa loia i totonu o Samoa a o faagasolo le pueina o le ata tifaga. O ia auaunaga o le a manaomia le avea ma totonugalemu o gaioiga o le tuufaatasiga o ata, mo se faataitaiga, o le faatulagaga o le kamupani i totonu o le atunuu, faia o konekarate a tagata faigaluega, pasiaina o musika ma faatinoga, inisiua ma maliega tau lisi.

- 6. Sueina Faasuetusi ma le Tausiga o Faamatalaga Tau Tupe** - O tupe faaalu ua faatupulaia e tusa ai ma auunaga e faatino e ofisa tausi tusi i totonu o Samoa a o faagasolo le pueina o le ata tifaga.
- 7. Uta o oloa** - O tupe faaalu i tau o uta o oloa o lo o auina mai i totonu o Samoa e aumai e le kamupani o lo o i Samoa e manaomia mo le faagaoioiga o le ata tifaga faasolo mo televise.
- 8. Tagata Faigaluega o le Atunuu** - O tau o totogi mo tagata nofomau o le atunuu e faafaigaluega po o le faia foi o konekarate tau galuega e le kamupani o i totonu o le atunuu mo galuega po o auunaga e faatino i totonu o Samoa, e aofia ai ma tau o galuega tau leipa e faia e tagata o le atunuu e fesootai i ai (totogi faaopoopo).
- 9. Tupe alu i le tuufaatasiga atoa o le pueina o le ata tifaga** - O tupe alu ua talafeagai ona faamatuu atu i le tuufaatasiga o le pueina o le ata tifaga i totonu o Samoa e pei o oloa ma auunaga uma e faatino e kamupani i totonu o Samoa, o pisinisi po o tagata taitoatasi ia e le o agavaa i lalo o isi meataitasi o le QSPE ua taua i lalo o lenei Faamatalaga.

FAAMATALAGA 2
(Tulafono Faatonutonu 5)

OLOA FAAULUFALE MAI I LE ATUNUU

Oloa faaaogā e aofia ai masini pueata ma mea e manaomia mo le pueina o ata; maa o masini pueata; mea e faaaogā i tomai faapitoa tau ata, e pei o ituaiga vailaau, kelū mo mea faapipii, masini mo le faapipiina o fao, maea, taga (hessian); nisi o meataumafa (e lē maua i totonu o Samoa); meafaitino faapitoa anagata e pei o tusi laiti mo tusitusiga ma peni “e faaaogā pe a timu”, vailaau lomitusi faapitoa mo masini lomi pepa; tagata tomai i ata tifaga; vaimama ma totoga manaomia mo masini vili ata; oloa faaaogā mo eletise, ma isi meafaitino esese faapitoa mo le pueina o ata.

Tuuina atu i lalo o le pule faataga a le Tulafono o Tulafono Faatonutonu 1953.

Aso e amata faamamaluina ai: 16 Tesema 2022.

O nei Tulafono Faatonutonu o lo o faafoeina e le Matagaluega o Tiute ma Tupe Maua.

O ata o nei Tulafono Faatonutonu o lo o mafai ona faatauina atu, mai le Ofisa o le Failautusi o le Fono Aoao Faitulafono.

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**